

上元縣志



上元縣志

天官序

易曰法象莫大乎天地又曰天垂象見吉凶聖人則之蓋天者萬物之祖而道之大原也天人感召捷於影響故帝王之治莫先於欽若而百司庶尹亦咸有嚴恭寅畏之義焉列國分星肇於周禮然其說不可得而詳古之聖人豈不知陰陽之事非常人所能測而人苟以天變爲不足畏則敬謹之心何由而生故說雖茫昧而寧存之使之朝夕乾惕以動無過舉也况象緯之昭然可驗者又所時有乎至於五方地有

上元縣志

天官序

一

高下寒暑既殊晝夜亦異人知其本於日月之運行而不知其本於黃赤經緯之度與北極出地之高卑古者論極之出地三十六度而止元郭守敬海內測景凡三十有七所而後知諸方各有不同因以設儀置象至明末泰西之學流入中土視授時爲加密聖朝幅幘廣大度越往古爰用西人圖繪方輿海隅出日咸知辰極照臨之遠近誠明時之要用古今所未有也上元爲南邦首邑天文星紀統於吳越極度高卑領於郡治其用各有攸施而俱不可以不論至於史家自漢以後咸志五行其原出於洪範庶徵而春

秋之紀災紀異皆敬天之  
大者也茲故以類相次用  
備一家之言志天官第一  
其目凡三

星野

極度

庶徵

上元縣志

天官

序

二

星野

分野之說始於保章氏掌以星土辨九州之地所封之域皆有分星以觀妖祥左國以後言分野者無慮數十家卒無一合鄭康成注周禮云諸國封域於星亦有分焉其書亡矣堪輿雖有郡國所入度非古數今其存可言者十二次之分也鄭氏之意固曰諸國分星古書既亡今度又非十二次之分不過存其大槩云爾此至論也後代如吳之陳卓唐之一行皆指陳明鑿自謂不易而蔑由見其

上元縣志

卷一

星野

一

所以然賈公彥謂古者受封之日歲星所在之辰固屬焉吳越二國同次者同年度受封故也則又求其故而不得者之辭也且古歷惟用赤道東漢永元始有黃道之儀古歷不用歲差唐大衍始分天自爲天歲自爲歲至近日而言歲差愈密又今歷減五度四分之一暗加於古法三百六十度之中則今之一度當古一度有奇故以星紀言之依古歷起斗十二度則斗建星全入燕分爲析木之津若正光起斗一度終牛五度則牛六度爲齊分而女宿全入於齊天運既有不齊推測又有疎密

則分野之說其不得專守一家是古而非今也明矣金陸爲禹貢揚州之域於春秋爲吳越諸國當天文星紀之次占斗牛女諸宿今考諸家異同錄其大畧後之覽者亦鑒於康成之言以定一衷可也

主十二次之說

**周禮保章氏注**星紀吳越也

**晉書天文志**自南斗十二度至須女七度爲星紀於辰在丑吳越之分野屬揚州

**隋書地理志**同晉書

上元縣志

卷一

星野

二

**唐書天文志**斗牽牛星紀也初南斗九度中南斗二十四度終女四度自廬江九江負淮水南盡臨淮廣陵至於東海又逾南河得漢丹陽會稽豫章

**明清類天文分野書**斗牛在辰屬吳越分揚州

主二十八舍之說

**史記天官書**二十八舍主十二州又曰斗江湖牽牛

婺女揚州

**漢書天文志**同史記

**漢書地理志**吳地斗分野也今之會稽九江丹陽豫章廬江廣陵六安臨淮郡盡吳分也

晉書天文志斗牽牛須女吳越揚州丹陽入斗十六度

唐書天文志南斗在雲漢下流當淮海間爲吳分

宋史天文志南斗六星南星者魁星也石申曰魁第三丹陽

明清類天文分野書斗牛吳越分野

各次距度之不同

劉歆三統歷自斗十二度至婺女七度爲星紀

費直說周易自斗十度至女五度爲星紀

蔡邕月令章句自斗六度至女二度爲星紀

上元縣志

卷一

星野

三

皇甫謐帝王世紀自斗十一度至婺女七度爲星紀

北魏李業興正光歷自斗一度至牛五度爲星紀

唐一行大衍歷自斗九度餘千四十二秒十二太至女四度爲星紀

宋皇居卿元祐觀天歷自斗九度至女六度爲星紀

南宋楊忠輔紹熙統天歷自斗四度三十五分九十二秒至女二度九十五分七秒爲星紀

元耶律楚材西征庚午元歷自斗四度三十六分六十六秒至女二度九十一分九十一秒爲星紀

元許衡郭守敬授時歷自斗二度七十六分八十五

杪至女二度六分三十八杪爲星紀

明清類天文分野書自斗三度至女一度爲星紀

各舍赤道距度之不同

漢洛下閎所測斗二十六度一分牛八度女十二度

唐一行所測斗二十六度無分餘同漢

宋皇祐所測斗二十五度牛七度女十一度

崇寧所測牛七度少女十一度少餘同皇祐

元至元所測斗二十五度二十分牛七度二十分女

十一度三十五分

各舍黃道距度之不同

上元縣志

卷一

星野

四

後漢永元銅儀斗二十四度四分度之一牛七度女

十一度

隋劉焯皇極歷斗二十四度女十一度半餘同永元

唐一行大衍歷斗二十三度半牛七度半女十一度

少

宋紀元歷斗二十三度餘同永元

金趙知微歷斗二十二度餘同永元

元授時歷斗二十三度四十七分牛六度九十分女

十一度一十二分

史傳雜占分野之法

史記天官書吳楚之疆候在熒惑 星經熒惑主揚

州 晉書天文志歲星主齊吳熒惑主楚吳越以

南 此上以五里  
言分野也

周禮疏辨九州之地者據北斗而言 春秋文耀鉤

徐揚二州屬權星 史記天官書二十八舍主十

二州斗秉兼之 星經北斗第六星主揚州以五

巳日候之辛巳為丹陽 晉書天文志北斗七星

四主吳 宋史天文志北斗第四星曰權其分為

吳 此上以北斗  
言分野也

史記天官書吳楚之疆占于鳥衡 鳥者南宮七宿衡  
者太微三光之庭

### 上元縣志

### 卷一

星野

### 五

鳥與衡同在南宮故占南  
國此以四七宿言分野也

宋史天文志三台六星上台下星主荆揚 晉書天

文志五車者五帝車舍也五帝座也凡五里各有

所主東南星曰司空主墳星主楚隋志宋志皆同

言楚則吳越在其中 宋史天文志天市垣二十

二星在氏房心尾箕斗內宮之內其東藩十一星

六曰吳越 此上以中外宮  
星言分野也

又日月犯南斗趙魏有兵墳星入犯奎宿吳越有兵

熒惑犯守昂宿齊楚越地有兵 按此則各國分野  
又有可以互占者

矣

史記天官書丙子江淮海岱也

漢書天文志戌吳

越

此又以時日支  
千言分野也

### 附西法測驗

天星分野在心二度

後百餘年必有移差其時則須  
更測

地域分野以中原神州爲據鍾山在正東卯宮二度  
石頭在卯宮一度三山在卯宮十四度此分域之  
定度也經度起於赤道之下南北二極在地平上  
自此逆測金陵在赤道北一百一十七度在未宮  
十七度以測本土天頂及昏中正卯恒星照臨吉  
凶之驗

## 上元縣志

### 卷一

星野

六

### 極度

堯典命羲和而教以氣候之寒燠晝夜之永短與  
播種收成之節古之聖人仰觀天道凡以授時作  
事豈徒察妖祥辨吉凶而已乎舜在璿璣玉衡以  
齊七政璿璣玉衡說者謂卽後世所傳渾儀之器  
也蓋天體至圓南北極持其兩端如磨之有齧車  
之有軸日月五星各有躔度而大地之上惟視北  
極出地之度以爲標準渾儀爲器凡立數圈有南  
北二極黃赤二道而下承以地平規測天之器甚  
多惟此顯而易明於兩極之中分圓形之半其腰

圍一線爲赤道太陽自春分至秋分行於赤道之北凡二十三度有半自秋分至春分行於赤道之南亦二十三度有半一線斜交於赤道是爲黃道天行終日而過一度日行於天每日而不及一度此黃赤二道之各有樞紐觀之於天驗之於器而皆可見者也北極南距赤道九十度一度當地之二百五十里今中國在赤道以北人每行二百五十里而極爲之高下一度此又天地皆圓之故也極高則其地近北氣寒而夏至之晝長冬至之晝短極下則其地近南氣熱而夏至之晝短冬至之

上元縣志

卷一

極度

七

晝長

皆謂視他處有長短如近北則夏至晝長於南冬至晝短於南也

各方北極

出地之度不同而各方節氣之時刻亦異此歲功所由興民事所當急而治歷明時之樞要也

國朝天學昭明司天所測自中土以及異域悉載於時

憲書

聖祖仁皇帝特命儒臣編輯歷象考成深明理數以嘉惠無窮近日惟漢陽郡志畧存極度梗槩茲故摹效以彰

聖制焜煌同符二典而非舊志徒載分野所可同日而

語云





芒種八

九

一尺七十三分

小暑

夏至八一

一尺五十八分

庶徵

歷代賑卹善政見民賦

周孝王十三年大雹江凍

漢惠帝五年夏大旱江水少

呂后三年夏江水溢 八年夏江溢

後漢安帝延光二年七月丹陽山崩

桓帝建和元年揚州饑

獻帝建安元年江淮饑民相食

吳大帝黃武四年地連震 黃龍三年夏有野蠶成

上元縣志

卷一

庶徵

十

繭大如卵 嘉禾三年九月隕霜殺穀 四年秋

七月有雹 五年自去年十月不雨至于夏 冬

十月彗星見于東方 赤烏四年正月大雪平地

三尺 五年大疫 八年夏雷震宮門柱又擊南

津大橋楹 十一年二月地震四月雨雹 十三

年八月丹陽及諸邑山崩鴻水溢 太元元年八

月朔大風江海湧溢平地深八尺吳高陵松柏皆

拔郡城南門飛落

會稽王元年十二月大風雷電 五鳳元年夏大水

十一月星孛于斗牛 二年是歲大旱 太平

元年二月建業火 二年二月甲寅大雨震電乙卯雪大寒 三年秋沉陰不雨四十餘日

景帝永安元年十一月有風四轉五復蒙霧連日

二年春正月震電 四年五月大雨水泉湧溢

五年二月白虎門北樓災八月大爾震電水泉湧溢

後主建衡元年三月天火燒萬餘家死者七百餘人

鳳凰元年三年連大疫 天紀三年建業有

鬼目菜生工人黃耆家依緣棗樹又有買菜生工人吳平家如枇杷形兩邊生葉綠色東觀案圖名

上元縣志

卷一

庶徵

十一

鬼目作芝草買菜作平慮草遂以耆爲侍芝郎平爲平慮郎皆銀印青綬

晉武帝太康二年二月丹陽地震 四年冬揚州大

水 五年八月丹陽地震 九年十年丹陽三地

震

惠帝元康五年六月揚州大水 六年五月揚州大

水 九年正月丹陽地震 太安元年建鄴有石

浮來入夏駕湖登岸二百餘步百姓咸驚譟相告

日石來明年石冰入揚州

懷帝永嘉三年夏大旱江竭

愍帝建興四年十二月白玉麒麟神璽出于江寧其  
文曰長壽萬年

東晉元帝大興元年六月旱十二月江東三郡饑  
三年四月江東大饑丹陽地震 四年八月黃霧  
四塞 永昌元年八月暴風壞屋拔御道柳樹百  
餘株其風縱橫無常若自八方來者十月京師大  
霧黑氣貫天日月無光閏十一月京都大旱川谷  
並竭

明帝太寧元年正月癸巳黃霧四塞京師大火五月  
丹陽大水七月丙子朔震太極殿柱 二年四月

上元縣志

卷一

庶徵

十一

庚子京都大雨雹鷲雀死

成帝咸和二年五月京師火又大水 四年二月大  
霖雨城中大饑米斗萬錢七月丹陽大水 五年  
無麥禾大饑 六年正月會州郡孝秀于集賢堂  
有麇見獲之 咸康元年二月揚州諸郡饑 二  
年七月揚州饑 八年正月乙未朔京都大雨  
穆帝永和七年七月濤水入石頭溺死者數百人  
九年八月京都地震有聲如雷

哀帝興寧元年四月揚州地震

海西公太和六年六月京師大水平地數尺浸及太

廟朱雀大航纜斷三艘流入大江丹陽諸縣稻稼  
蕩沒十二月濤水入石頭

孝武帝寧康元年三月京都大風火大起 三年十

二月神獸門災 太元五年六月震含章殿四柱

六年六月揚州大水江東大饑 八年二月黃

霧四塞 十三年四月祠太廟畢有兔行廟堂上

十二月戊子濤水入石頭毀大桁殺人乙未大風

晝晦延賢堂災 十四年七月宣陽門四柱災十

二月雨木冰 十五年八月京師地震 十六年

六月鵲巢太極殿東鴟尾 十七年六月癸卯地

上元縣志

卷一

庶徵

十三

震甲寅濤水入石頭毀大桁漂船舫有死者冬旱

二十一年十月大雪

安帝元興元年十月黃霧昏濁不雨 二年京都大

饑人相食 三年二月庚寅夜濤水入石頭商旅

方舟萬計漂敗流斷骸骨相望謹譁震天 義熙

元年十二月濤水入石頭明年又入 五年六月

震太廟 六年震太廟鴟尾宮城及御道左右皆

生蒺藜 九年五月京都大火燒數千家 十年

五月西明門地穿水湧出 十一年七月京師大

水壞太廟所在火起

宋文帝元嘉四年五月建康疾疫 五年正月戊子  
丹陽火 六月復大水丙寅震太廟破東鳴尾徹  
壁柱 七年建康火延燒大社北墻 八年揚州  
諸郡旱 九年春丹陽雨雹 十一年五月建康  
大水 十二年四月建康地震六月丹陽諸郡大  
水邑里乘船 十四年三月丙申大鳥二集秣陵  
民王顗園中李樹上狀如孔雀揚州刺史彭城王  
義康以聞改鳥所集永昌里曰鳳凰 十九年閏  
五月丹陽雨水 二十一年六月建康連雨百餘  
日大水 二十四年六月丹陽大水疫癘 二十

上元縣志

卷一

庶徵

十四

五年四月元武湖青龍見五月黑龍又見 二十  
八年三月乙酉建康大旱民多疾疫 二十九年  
二月雷雨雪三月大風拔樹五月丹陽霖雨傷禾  
稼十二月黃霧四塞

孝武帝大明元年正月建康雨水 四月丹陽疾疫  
五月紫氣出景陽樓迴薄久之改爲慶雲樓  
五年七月丙辰丹陽雨水 七年四月大風折和  
寧陵華表鍾山通天臺一夕飛倒散落山澗中  
八年冬建康饑米升百餘錢死者相枕于道  
明帝泰始二年六月建康雨水九月建康大風 三

年正月庚午建康大雨雪 泰豫元年六月建康  
雨水

蒼梧王元徽元年八月建康旱 三年正月丹陽大  
火三月丙寅建康大水戊辰火延燒數千家五月  
雨雹

順帝昇明三年二月地震建陽門十二月朱雀航華  
表柱生枝葉

齊武帝永明五年六月建康秣陵水 六年四月石  
子岡栢木化爲石 八年八月建康霖雨 十年  
十一月霖雨 十一年三月震東齊棟崩六月建

上元縣志

卷一

庶徵

十五

康霖雨

明帝建武二年二月地震

東昏侯永元元年七月建康大風十圍樹及官舍居  
民屋皆偃拔丁亥大水 中興二年江東大旱米  
斗五千錢民多饑死

梁武帝天監三年建康疫 五年十一月建康地震

六年三月有三象入建康八月建康大水 七  
年五月建康大水 十二年四月建康大水 普  
通元年七月江溢 二年五月琬琰殿火延燒後  
宮三千餘間 三年正月建康地震 六年十二

月建康地震 中大通元年建康秣陵疫 九月  
辛巳朱雀航華表災 五年正月戊申建康地震  
五月建康大水御道通船 大同二年十一月建  
康秣陵地震 三年正月辛丑朱雀門災壬寅天  
無雲雨灰黃色十月建康秣陵地震民饑 七年  
二月建康秣陵地震 中大同元年四月丙戌浮  
圖災 太清三年四月己丑建康地再震  
簡文帝大寶元年自春迄夏大饑人相食建康秣陵  
爲甚

敬帝太平二年十二月庚辰建康大火

上元縣志

卷一

庶徵

十六

陳武帝永定三年正月夜大雪及旦太極殿前有龍  
跡見閏四月久不雨如鍾山祭蔣帝廟是日雨至  
於晦日

文帝天嘉六年七月有大風自西南至廣百餘步激  
壞靈候樓甲申儀賢堂自壞

宣帝大建九年七月大雨震萬安陵華表 十年三  
月震武庫六月大雨震電 十二年六月大風壞  
臯門中閩八月大雨霖 十三年九月夜大風至  
自西北發屋拔樹大雨電 十四年四月自建康  
至荊州江水赤

後主禎明元年臨平湖開造大皇寺起浮圖未畢火  
從中起焚之江自方州東至海赤如血 二年四  
月有羣鼠自蔡洲岸入石頭渡淮至于青塘兩岸  
數日死五月東冶鑄鐵有物赤色大如甕自天墜  
鎔所有聲隆隆如雷鐵飛出牆外燒民居六月大  
風拔朱雀門濤水激入石頭淮渚暴溢漂没舟乘  
又府城自壞青龍出建陽門井中湧赤霧  
隋文帝開皇九年正月己丑朔陳主朝會羣臣大霧  
四塞

煬帝大業十三年自淮及江東西數百里絕水無魚

上元縣志

卷一

庶徵

十七

唐太宗貞觀八年七月江淮大水

高宗總章元年江淮旱饑

中宗嗣聖九年五月江淮旱饑 十八年地震

肅宗上元二年江淮大饑 寶應元年江東大疫人

民死者過半

德宗貞元二年魚鱉蔽江而下皆無首六月江溢

八年七月江淮大水害稼溺死人漂没城郭廬舍

憲宗元和三年江南旱

穆宗長慶二年江淮饑 三年三月江南旱

文宗太和四年江南大水害稼 八年夏江淮大旱

開成四年夏江溢大水害稼

武宗會昌元年七月江南大水

懿宗咸通二年江淮旱 七年江淮大水 九年江

淮旱蝗

僖宗中和四年江南大旱饑人相食 光啓元年正

月江水赤凡數日

吳太和六年二月甲申金陵大火乙酉又大火

南唐保大十一年七月大旱井泉涸民饑疫死者過  
半

宋太宗太平興國八年七月江水溢 雍熙二年三

上元縣志

卷一

庶徵

十八

月江南民饑 淳化四年江南饑 五年江南疫

至道三年昇州旱

眞宗咸平三年江南旱 景德元年閏九月江南旱

大中祥符元年春昇州黃雀羣飛蔽日有從空

墜者 二年四月昇州大旱火 五年五月江淮

旱 天禧元年江淮南蝗

仁宗天聖四年六月江淮南大水 六年七月江寧

府江水溢壞官民廬舍 明道元年三月江東淮

南旱饑 慶歷八年正月江寧府火宮室焚毀殆

盡惟南唐玉燭殿僅存 皇祐三年八月江南淮

南饑 五年江寧府蝗 嘉祐元年五月江溢

神宗熙寧元年江寧府飛蝗自江北來 六年江淮

饑 元豐四年七月大風潮漂蕩沿江廬舍損田

稼

徽宗建中靖國元年江淮旱 大觀三年江淮大旱

政和三年江東旱 五年六月江寧府水災

重和元年江淮水

高宗建炎二年十月霖雨 三年六月大霖雨十一

月江南大旱 紹興七年建康疫 十一年九月

建康大火延燒府治自外門至堂宅皆燬惟軍資

上元縣志

卷一

庶徵

十九

庫及大軍庫無損是年大旱 十七年建康火

十八年江東淮南旱

孝宗隆興二年七月建康大水侵城郭壞廬舍 乾

道三年江東蝗 四年七月建康水 六年五月

建康水 七年三月江東旱 九年旱 淳熙二

年建康大旱饑 四年建康雨雹民饑 五年閏

六月雨雹者再 八年建康饑 十年建康旱

十一年建康雨水

光宗紹熙三年江東水 四年八月江東旱 五年

建康大水

寧宗慶元四年建康饑 六年建康旱 嘉泰元年

江東淮南旱 嘉定二年建康蝗旱大饑斗米數

千錢人食草木 八年七月建康旱 十四年建

康大水

理宗嘉熙元年建康旱 淳祐六年六月江淮飛蝗

蔽天集食禾豆

度宗咸淳四年三月建康疫 六年江南大旱 七

年江南饑

恭宗德祐元年江東饑疫

元世祖至元二十七年江南大水

上元縣志

卷一

庶徵

二十

成宗元貞元年五月建康水 二年六月建康蝗

大德二年建康水 四年八月建康儒學災 六

年七月建康饑 十一年建康大饑

武宗至大元年建康饑疫 二年六月上元蝗

仁宗延祐元年建康大水

泰定帝泰定元年江東水 二年建康蔣山太平興

國寺災 三年建康路饑 四年建康饑

文宗天歷二年旱饑 至順元年集慶路饑七月江

南水

順帝至正九年七月大霖雨江溢漂沒民居禾稼

十七年五月上元瑞麥一莖二穗者二

明太祖洪武二年十月甘露降于鍾山 三年六月

旱 五年正月五色雲見 八年八月大旱 九

年五月水溢 十年正月雨水如墨汁 十八年

四月五色雲再見 二十六年四月大旱

建文帝建文元年三月地震

成祖永樂二年地震 六年府學災

仁宗洪熙元年地震

宣宗宣德二年二月地震 四年正月地震

英宗正統十三年龍潭江水奔潰 十四年六月震

上元縣志

卷一

庶徵

二十一

雹風雨交作火 天順五年五月江南北大水

憲宗成化元年七月應天水災 二年四月上元等

縣饑民相食 七年民饑府學災 八年七月大

風雨江溢 九年水旱 十二年正月地震有聲

十七年二月地震猛虎入城殺人 二十二年

九月民饑

孝宗弘治八年十月地震 十八年六月霖雨七月

大風拔木

武宗正德四年六月空中有聲自北來如數萬甲兵

都民震恐踰月方止冬大雪樹皆枯死

世宗嘉靖元年大風自江北來屋瓦皆飛樹木盡拔  
二年大旱米價騰湧人相食 三年自春至夏  
疫癘大作死者相枕于道 二十三年夏秋大旱  
民饑 二十四年夏大旱 三十八年四月雨雹  
七月地震 三十九年七月江水漲至三山門秦  
淮民居有深數尺者至九月始退冬大雪禽鳥戢  
翼凍死木冰如花十二月夜震 四十二年二月  
震報恩寺火遂作一夕俱燼

穆宗隆慶四年正月火一夕數發踰月方止

神宗萬曆四年三月雨雹十月雷 五年春不雨井

上元縣志

卷一

庶徵

二十一

泉多竭河可涉 十四年五月大雨自初三至十  
七日城中水高數尺江東門至三山門可行舟  
十六年夏旱疫死者無算 十九年三山民家牛  
產一黃犢七足腹下四足脊上三足皆輒前後竅  
各二 三十三年十月鍾山有白氣如疋練濶丈  
許從申至亥先白色日入卽黑 三十四年八月  
城內大火延燒 三十五年正月雪後府學前泮  
池內冰結爲花紋如錦繡欽天監占主水兆 三  
十六年五月大雨水陸地泛舟 三十九年八月  
民家猪產子頂上有一目鼻長二寸許 四十六

年二月東北有流星大如斗赤色向南行有聲若雷其光燭地雞犬皆驚

莊烈帝崇禎七年大風吹落皇城門內扁二字於地碎之 八年白虹貫日 九年旱自四月至七月不雨遍野如掃 十年冬木介先是大霧晦冥霧斂著樹冰雪有若旗槍稜脊森然 十三年旱蝗大饑斗米千錢 十四年五月大疫死者數萬人 十六年十一月火藥庫災震驚遠邇傷三十餘人庫梁飛入錦衣衛堂上

國朝

上元縣志

卷一

庶徵

一二十三

世宗憲皇帝雍正三年二月己巳朔日月合璧五星連珠

